

სახელმწიფო შესყიდვების შესახებ ხელშეკრულება
№13-041017-01

ქ. გარდაბანი, 4 ოქტომბერი, 2017 წ.

შპს "გარდაბნის თბოსადგური", შემდგომში "შემსყიდველი", გენერალური დირექტორის ლაშა მგელაძის სახით და შპს "ტენდერი 123", შემდგომში "მიმწოდებელი", დირექტორის ამირან ჩიტაშვილის სახით იმის გათვალისწინებით, რომ 2017წ 14 სექტემბერს შემსყიდველის მიერ სახელმწიფო შესყიდვების შესახებ საქართველოს კანონის მე-3 მუხლის პირველი პუნქტის "ჟ" ქვეპუნქტის შესაბამისად გამოცხადებულ ელექტრონულ ტენდერში SPA1700012460 შემდგომში "ტენდერი" გამარჯვებულად გამოცხადდა შპს "ტენდერი 123" ფასით 10'379 ლარი დღგ-ს გარეშე, შევთანხმდით, შემდგომში „ხელშეკრულება“:

1. ხელშეკრულების საგანი

1.1. ხელშეკრულების საგანია *სხვადასხვა სახის საკვები პროდუქციის* (შემდგომში „საქონელი“) სახელმწიფო შესყიდვა ხელშეკრულებით გათვალისწინებული პირობების შესაბამისად (CPV15800000).

1.2. „საქონლის“ დასახელება, მახასიათებლები, რაოდენობა და ფასი ერთეულის მიხედვით მოცემულია ხელშეკრულების დანართი N1-ში, რომელიც თან ერთვის ხელშეკრულებას და წარმოადგენს მის განუყოფელ ნაწილს.

2. მხარეთა უფლება-მოვალეობები

2.1. „შემსყიდველი“ უფლებამოსილია მოსთხოვოს „მიმწოდებელს“ ხელშეკრულებით ნაკისრი ვალდებულებების შესრულება;

2.2. „შემსყიდველი“ უზრუნველყოფს ანგარიშსწორებას ხელშეკრულებით გათვალისწინებული პირობებით და ოდენობით;

2.3. „მიმწოდებელი“ უფლებამოსილია მოსთხოვოს „შემსყიდველს“ ხელშეკრულებით ნაკისრი ვალდებულებების შესრულება;

2.4. „მიმწოდებელი“ ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი და მასთან დაკავშირებული აუცილებელი დოკუმენტაცია.

3. „საქონლის“ მიწოდების პირობები

3.1. „მიმწოდებელი“ ვალდებულია უზრუნველყოს საქონლის მიწოდება ხელშეკრულების გაფორმებიდან 12 თვის განმავლობაში, მოთხოვნიდან 2 სამუშაო დღის ვადაში, შემდეგ მისამართზე: ქ. გარდაბანი, დავით აღმაშენებლის ქ. #28 (შპს „გარდაბნის თბოსადგური“),

3.2. შემსყიდველი უფლებამოსილია უარი განაცხადოს უხარისხო საქონლის მიღებაზე.

4. „საქონლის“ ხარისხი

4.1. მიმწოდებელი იღებს ვალდებულებას, რომ საქონლის ხარისხი შეესაბამება ტენდერის ტექნიკურ პირობებს და მაჩვენებლებს.

5. ხელშეკრულების ფასი და ანგარიშსწორება

5.1 საქონლის მთლიანი ღირებულებაა 12'242.5 (თორმეტი ათას ორას ორმოცდაორი ლარი და 50 თეთრი) ლარი დღგ-ს ჩათვლით.

5.2 ანგარიშსწორებისათვის მიმწოდებელმა უნდა წარადგინოს დადასტურებული ანგარიშ-ფაქტურა.

5.3 ანგარიშსწორება წარმოებს 5.2 პუნქტით გათვალისწინებული დოკუმენტის მოწოდებიდან 10 (ათი) სამუშაო დღის ვადაში.

6. ხელშეკრულების პირობების შეუსრულებლობა

6.1. მიმწოდებელი იძლევა გარანტიას, რომ მის მიერ მიწოდებულ საქონელს, საქონლის ვარგისიანობის პერიოდში, არ გააჩნია ნაკლი.

6.1.1. საგარანტიო პერიოდში ნაკლის არსებობისას, მიმწოდებელი თავისი ხარჯითა და პასუხისმგებლობით უზრუნველყოფს მის აღმოფხვრას შემსყიდველის მიერ ნაკლის გამოვლენის თაობაზე მიმწოდებლისათვის გაგზავნილი წერილობითი შეტყობინების მიღებიდან არაუგვიანეს 5 სამუშაო დღისა. ნაკლის აღმოფხვრა უნდა მოხდეს საქონლის ახლით შეცვლით.

6.1.2. თუ მიმწოდებელი ვერ უზრუნველყოფს ნაკლის აღმოფხვრას, შემსყიდველს უფლება აქვს დააკისროს მიმწოდებელს ნაკლიანი საქონლის ღირებულების ოდენობის პირგასამტეხლოს გადახდა, რაც მიმწოდებელმა შემსყიდველის მიერ მისთვის (მიმწოდებლისათვის) პირგასამტეხლოს დაკისრების თაობაზე წერილობითი შეტყობინების მიღების დღიდან, დაუყოვნებლივ, მაგრამ არაუგვიანეს ორი კალენდარული დღისა უნდა გადაიხადოს.

6.2. მხარეების მიერ ხელშეკრულების პირობების შეუსრულებლობა და/ან დარღვევა გამოიწვევს მათ პასუხისმგებლობას ხელშეკრულებისა და მოქმედი კანონმდებლობით დადგენილი წესის შესაბამისად.

6.3. ნაკლიანი საქონლის მიწოდების შედეგად შემსყიდველისთვის, ან მესამე მხარისათვის მიყენებული ნებისმიერი ზიანის ანაზღაურება ეკისრება მიმწოდებელს.

6.4. მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

6.5. საქონლის მოწოდების დაყოვნებისას მიმწოდებელი ვალდებულია გადაუხადოს შემსყიდველს პირგასამტეხლო ყოველ გადაგადაცხადებულ კალენდარულ დღეზე ხელშეკრულების საერთო ღირებულების 0,1%-ის ოდენობით. შემსყიდველი უფლებამოსილია ანგარიშსწორებისას მიმწოდებელს გამოუქვითოს პირგასამტეხლოს სახით მასზე დარიცხული თანხა.

6.6. შემსყიდველის მიერ ანგარიშსწორების ვადის გადაცილებისას მიმწოდებელს უფლება აქვს დააკისროს შემსყიდველს პირგასამტეხლოს გადახდა ყოველ გადაგადაცხადებულ სამუშაო დღეზე გადაუხდელი თანხის 0,1%-ის ოდენობით.

6.7. თუ ხელშეკრულება შეწყდება მიმწოდებლის მიერ ხელშეკრულებით ნაკისრი ვალდებულებების არაჯეროვნად შესრულების შედეგად, ამასთან, ხელშეკრულების შეწყვეტის მომენტისათვის მიმწოდებელს შემსყიდველისათვის მხოლოდ საქონლის ნაწილი ექნება მიწოდებული, შემსყიდველი უფლებამოსილი იქნება დააკისროს მიმწოდებელს პირგასამტეხლო შესასრულებელი (დარჩენილი) ვალდებულების შესაბამისი ღირებულების არაუმეტეს 10%-ის ოდენობით.

6.8. თუ ხელშეკრულება შეწყდება მიმწოდებლის მიერ ხელშეკრულებით ნაკისრი ვალდებულებების არაჯეროვნად შესრულების ან შეუსრულებლობის შედეგად, ამასთან, ხელშეკრულების შეწყვეტის მომენტისათვის მიმწოდებელს შემსყიდველისათვის საქონელი საერთოდ არ ექნება მიწოდებული ან მხოლოდ უმნიშვნელო ოდენობით ექნება მიწოდებული, შემსყიდველი უფლებამოსილი იქნება დააკისროს მიმწოდებელს პირგასამტეხლო ხელშეკრულების საერთო ღირებულების არაუმეტეს 20%-ის ოდენობით.

6.9. მიმწოდებლის მიერ პირგასამტეხლოს გადახდა, საქართველოს სამოქალაქო კოდექსით გათვალისწინებული შემთხვევების გარდა, არ ათავისუფლებს მას ხელშეკრულებით ნაკისრი ვალდებულებების ჯეროვნად შესრულების მოვალეობისაგან.

6.10. შესაბამისი წინაპირობების არსებობის შემთხვევაში, შემსყიდველი უფლებამოსილი იქნება მიმწოდებელს დააკისროს როგორც 6.5. მუხლით განსაზღვრული პირგასამტეხლო, ასევე, იმავდროულად 6.7. და 6.8. მუხლებით გათვალისწინებული პირგასამტეხლოები.

04.10.2017

7. მხარეთა პასუხისმგებლობისგან გათავისუფლება

7.1. მხარეები არ აგებენ პასუხს ვალდებულებათა სრული ან ნაწილობრივი შეუსრულებლობისათვის იმ შემთხვევაში, თუ აღნიშნული გამოწვეულია ფორს-მაჟორული გარემოებით (მიწისძვრა, წყალდიდობა, სახელმწიფო გადატრიალება და სხვა გარემოება, რომელიც არ არის დამოკიდებული მხარეებზე და ითვლება ფორს-მაჟორულ გარემოებად).

7.2. მხარემ, რომელსაც შეეძენა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი აღმოფხვრის საგარაუდო ვადის შესახებ. წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისაგან.

7.3. წერილობით შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ.

7.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

8. ხელშეკრულების ინსპექტირების პირობები

8.1. შემსყიდველს უფლება აქვს განახორციელოს საქონლის კონტროლი და/ან გამოცდის საქონელი.

8.2. მიმწოდებლის მიერ ხელშეკრულების შესრულების კონტროლს ახორციელებს შემსყიდველის მიერ შექმნილი ინსპექტირების ჯგუფი, რომლის ფუნქციაა საქონლის მოცულობის, ხარისხისა და ვადების ხელშეკრულების მოთხოვნებთან შესაბამისობის დადგენის მიზნით სათანადო კონტროლისა და ზედამხედველობის განხორციელება;

8.3. ნაკლის აღმოფხვრასთან და ინსპექტირებასთან დაკავშირებული ხარჯების ანაზღაურება ეკისრება მიმწოდებელს.

9. ხელშეკრულებაში ცვლილებების შეტანა

9.1. ხელშეკრულების მონაწილე არც ერთ მხარეს არ აქვს უფლება ცალმხრივად შეცვალოს ხელშეკრულების პირობები.

9.2. დაუშვებელია ხელშეკრულებაში იმგვარი ცვლილებების შეტანა, რომლის შედეგად შემსყიდველისათვის იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა. საქართველოს სამოქალაქო კოდექსის 398-ე მუხლით გათვალისწინებული პირობების დადგომისას დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

9.3 ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

9.4. ხელშეკრულებაში შეტანილი ყველა ცვლილება იურიდიულ ძალას იძენს მხოლოდ მხარეთა მიერ მისი ხელმოწერის დღიდან.

10. ხელშეკრულების ძალაში შესვლა და მოქმედების ვადა

10.1. ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2018წ 2 ნოემბრის ჩათვლით.

10.2. ხელშეკრულების შესაბამისი მუხლები ძალაში რჩება მხარეთა მიერ ნაკისრი ვალდებულებების სრულ ამოწურვამდე.

11. ხელშეკრულების შეწყვეტა

11.1. მხარეებს შეუძლიათ ურთიერთშეთანხმებით შეწყვიტონ ხელშეკრულება მისი მოქმედების ნებისმიერ ეტაპზე.

11.2. მხარეს შეუძლია ცალმხრივად შეწყვიტოს ხელშეკრულება მეორე მხარისათვის წერილობითი შეტყობინებით, იმ შემთხვევაში თუ:

ა) მხარემ მთლიანად ან ნაწილობრივ დაარღვია ამ ხელშეკრულების პირობა და არ/ვერ აღმოფხვრა აღნიშნული დარღვევა იმ ვადაში, რაც მითითებული იყო მეორე მხარის მიერ დარღვევის აღმოფხვრის შესახებ გაგზავნილ წერილობით მოთხოვნაში.

ბ) ხელშეკრულების ერთ-ერთი მხარე სისტემატიურად არღვევს ხელშეკრულების პირობებს;

გ) საქართველოს სამოქალაქო კოდექსის 398-ე მუხლით გათვალისწინებულ შემთხვევაში.

11.3. შემსყიდველი უფლებამოსილია ცალმხრივად შეწყვიტოს ხელშეკრულება მისი მოქმედების ნებისმიერ ეტაპზე, ხელშეკრულება წყვეტს მოქმედებას შემსყიდველის მიერ გაგზავნილ შეტყობინებაში მითითებული ვადის შესაბამისად.

12. დავების გადაწყვეტა, მარეგულირებელი სამართალი

12.1 მხარეთა შორის წარმოშობილი ნებისმიერი დავა წყდება მხარეთა ურთიერთმოლაპარაკების გზით.

12.2 შეთანხმების მიუღწევლობის შემთხვევაში ყველა სადავო საკითხი წყდება საქართველოს სასამართლოში.

12.3 ხელშეკრულება დადებულია და ინტერპრეტირებული იქნება საქართველოს კანონმდებლობის მიხედვით.

13. დასკვნითი დებულებები

13.1. ხელშეკრულება შედგენილია ქართულ ენაზე, თანაბარი იურიდიული ძალის მქონე 2 (ორ) ეგზემპლარად.

13.2 ხელშეკრულების ცალკეული მუხლის/პუნქტის ბათილობა არ ახდენს გავლენას ხელშეკრულების ნამდვილობაზე.

13.3. ნებისმიერი შეტყობინება მხარეთა შორის წარმოებს წერილობით ან ელ-ფოსტის მეშვეობით.

13.4 ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. მხარეთა რეკვიზიტები და ხელმოწერები

შემსყიდველი: შპს "გარდაბნის თბოსადგური" მის. ქ. გარდაბანი, დავით აღმაშენებლის 28 ს/კ: 404428071 ტელ: 995 32 299-1201 (დამ 308), 555 254747 გენერალური დირექტორი	მიმწოდებელი: შპს „ტენდერი 123“ მის: ქ. თბილისი, ო. ჭილაძის 166 ს/კ: 405021523 ბანკი: სს „საქართველოს ბანკი“, ბ/კ BAGAGE22 ა/ა GE45BG0000000773594400 ტელ. 599 61 44 55 დირექტორი
--	---



Handwritten signatures of the General Director of Gardabani Thermal Power Plant and the Director of Tender 123 Ltd.

ფასების ცხრილი

N	საქონლის დასახელება	მახასიათებლები	მწარმოებელი და წარმოშობის ქვეყანა	განზ.	რაოდ.	ერთეულის ღირებულება დღგ-ს გარეშე	საერთო ღირებულება დღგ-ს გარეშე	ერთეულის ღირებულება დღგ-ს ჩათვლით	საერთო ღირებულება დღგ-ს ჩათვლით	მიწოდების ვადა და ადგილი
	ყავა	დაფასებული შუშის ქილაში. წეტი: 190 გრ 100%-იანი ნატურალური, სუბლიმირებული ხსნადი ყავა. უმაღლესი ხარისხის, სერტიფიცირებულია.	შპს „ნესტლე ყუბანი“ / რუსეთი	ცალი	600	14.6	8760	17.228	10336.8	ზელმეგრულების გაფორმებიდან 12 თვის განმავლობაში, ქ. გარდაბანი, დ. აღმაშენებლის 2ბ
	ჩაი	შავი ჩაი, დაფასებული ერთჯერად პაკეტებში, 100 ცალიანი.	შპს „სანტი“ / რუსეთი	ცალი(ყუთი)	150	4	600	4.72	708	
	შაქარი	მაღალი ხარისხის, ქარხნულად დაფასოვებულ პაკეტებში. დაფასოვებული 5000 გრამისა.	შპს „ავარის შაქრის კომპანია“ / საქართველო	კგ	700	1.45	1015	1.711	1197.7	
თანხა სულ :							10375		12242.5	

შპს „ტენდერი 123“-დირექტორი:



ამირან ჩიტაშვილი/



მიმწოდებელი	შეზღუდული პასუხისმგებლობის საზოგადოება (შპს) შპს ტენდერი 123 shps tenderi 123
საიდენტიფიკაციო კოდი	405021523
ქვეყანა	საქართველო
ქალაქი/დაბა/სოფელი	თბილისი
მისამართი	ქ.თბილისი ო.ჭილაძის 166
ტელეფონი	+995 99 614455
ფაქსი	+995
ელ-ფოსტა	123TENDERI123@gmail.com
ვებ-გვერდი	http://
ხელმძღვანელის სახელი, გვარი	ამირან ჩიტაშვილი
ხელმძღვანელის თანამდებობა	დირექტორი
მომსახურე ბანკი	სს "საქართველოს ბანკი"
მომსახურე ბანკის კოდი	BAGAGE22
ანგარიშის ნომერი	GE45BG0000000773594400



№ 13-041017-01 ხელშეკრულების შესრულებაზე კონტროლის განმახორციელებელი პირის

ხელწერილი

ინტერესთა კონფლიქტის არ არსებობის შესახებ

04 ოქტომბერი 2017 წ.

„სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით ხელმოწერით ვადასტურებთ, რომ შპს „გარდაბნის თბისადგურს“ და შპს „ტენდერი 123“-ს შორის 2017 წლის 04 ოქტომბერს გაფორმებული №13-041017-01 ხელშეკრულების ფარგლებში ხელშეკრულების შესრულებაზე კონტროლის განმახორციელებელი ინსპექტორების ჯგუფის წევრები მიმწოდებელთან ინტერესთა კონფლიქტში არ ვიმყოფებით.

ბექა მუმლაძე

A handwritten signature in blue ink, consisting of stylized initials and a surname, written over a horizontal line.